



UNIVERSITÄTS-
BIBLIOTHEK
PADERBORN

Theologia Polemica

Burghaber, Adam

Fribvrgi Helvetiorvm, 1678

XIX. De Antiquitate Ecclesiæ, sive an sit Apostolica?

[urn:nbn:de:hbz:466:1-72462](#)

& tamen ab urbe Roma pendebat? cur non etiam tota Christianitas etiamnum hodie à Romana Ecclesia pendere possit?

XX. Ad 1. Igitur in oppositum negamus, Catholicò-Romanum esse chymaram, idemque quod ligno-ferrum. Quid ergo sibi volunt hæc verba Pauli ad Rom. 1. v. 8. *Fides nostra annuntiatur in universo orbe?* Nunquid Fides Romana, de qua loquitur Apostolus, fuit Romana? cur Catholicum & Romanum non possint conjungi, aut unum pro altero ponи? Ridet ergo Heilbrunner insanè, non Nos, sed Apostolum, & SS. Patres scurili planè audaciа. Ad 2. dicimus, Ecclesiam omnino esse Matrem, & sic à filiabus distinguitam, atque hoc modo nomen Ecclesiae Romanae plium 4. accepisse pro particuli Ecclesiae Urbis Romanae, quae non includit alias Ecclesias, sed omnes respicit tanquam subditas, & ideo dicitur Catholicica, sicut quilibet fidelis dicitur Catholicus, quia omnium aliarum Ecclesiarum Fidelibus contentit. Sed non obstat hoc, quoniamius alio sensu dicitur universalis juxta sensum prædictum, quo Patres illud nomen accepterunt. Ad 3. nihilominus Ecclesiam Catholicam posse dici Romanam per ampliationem, perinde ut crepusculum vespertinum adhuc dicitur dies, licet sol jam occiderit. Taceo non omnes forsan Romanos à Fide defecturos, de quo videri possunt Commentarij. Et nos infra in Controversia XXVI. An omnes Pontifices debeant esse Romani. Videantur DD. à Walenburch. Tom. 1. Lib. 5. de Unit. Ecclesiae, ubi diffusionem Ecclesiae Romano-Catholicæ à cap. 6. pluribus contra Joannem Crocium Professorem Castellensem Calvinistam (cujus argumenta ex ijs, quæ diximus, haud difficulter apparent soluta) defendunt, & eruditè ostendunt, præter Ecclesiam Romano-Catholicam à primis quinque saeculis usque ad tempus Lutheri & Calvini impiorum suscepit ac prætensiæ reformatiæ Authorum, nullam veram Ecclesiam Christi JESU assignari posse, sed omnes alias Sectas, earumque Magistros turpiter & multipliciter erasse, ac deviasse.

CONTROVERSIA XIX.

DE ANTIQUITATE ECCLESIAE, sive an hac sit Apostolica?

Nomen Ecclesiae si largius accipiat, nemini dubium esse potest, quin antiquissimum sit; etenim sic omnes Fidelium cœtus complectendo cepit ab initio mundi in familia Adami, & hucusque per annos fere sexies milie duravit. Verum restriictius hic de Ecclesia agimus, solos Christianos comprehendente; unde idem est de Antiquitate Ecclesiae hic inquirere, ac de tempore & doctrina Apostolorum, num ipsis concordet.

¶:o: IHS. :o: ¶

PARS PRIOR DOCTRINÆ CATHOLICORUM.

I. **D**octrina prima. Vera Christi JESU Ecclesia debet esse Apostolica, hoc est, ab Apostolis inchoasse, & hucusque per mille sexcentos & plures annos durasse. Ita vocatur in Symbolo Nicæno, & sumitur ex illo D. Pauli ad Eph. 2. v. 10. *Superadiscit super fundatum Apóstolorum & prophetarum ipso summo angulari lapide Christo JESU.* Ad quam appellationem tria requiruntur. 1. ut eandem teneat doctrinam, quam olim Apostoli tradiderunt. 2. ut eam continuè, & sine intermissione conservaverit. 3. ut etiam Regimen Ecclesiasticum ab Apostolis inchoatum continuè successionem propagarit; siquidem Ecclesia non solum est Schola fidei ad docendum, sed etiam Regnum Christi ad gubernandum; quam quidem successionem tanti semper fecere Patres, ut etiam ob solius hujus defectum quosvis hæreticos de falitate convictos existimarent, ut videre est apud Originem Lib. 1. Periarchon, Irenæum lib. 3. cap. 2. Tertul. Lib. de præscriptione contra hæreses cap. 19. 20. & 32. August. contra Epist. fundamenti & alios.

II. **D**octrina secunda. Ecclesia Romano-Catholica est etiam Apostolica & Antiquissima, hoc est, constanter durat ab ipsius Christi & Apostolorum temporibus. Ita omnes Catholici. Probatur. Quia 1. Ecclesia Catholica eandem tenet doctrinam, quam olim tradiderunt Apostoli. 2. Eandem continuè haec tenus conservavit, ita ut nullo unquam tempore fieret aliqua Fidei mutatio: nec eadem unquam ab aliqua antiquiore Ecclesia Christi se separavit. Et si de hæreticis seu heterodoxis, qui quovis tempore extiterunt, loquamur, non Nos ab illis, sed illi a nobis recesserunt, ut contra sui temporis hæreticos scribit etiam Cyprian. de unit. Ecclesiae cap. 9. Et contra nostrates Sectarios luculenter demonstrant DD. à Walenburch Tom. 1. de Unit. Ecclesiae toto Libro quinto. Idem nos in præsenti Operæ præstamus, per singulas Controversias aperre ac solidè ostendendo, universam Romanæ Ecclesiae doctrinam tamē esse, ut nullus justus rerum Arbitrus, & qui Deum timet, aeternamque animæ sue salutem cupit, eam improbare, atque ab eadem separare sevaleat. Videatur Jacobus Gualtier, qui in sua Chronographia eruditissime ostendit consensum veterum Doctorum, atque ipsorum Apostolorum cum doctrina nostratis Ecclesiae; nec hæretici unicum nominare possunt Articulum, in quo nostra moderna Ecclesia ab antiqua & prima desciverit. 3. Regimen Apostolicum in S. Petro inchoatum per continuam summorum Pontificum successionem conservatum fuit, ut videre est passim in tabulis Chronograph. tum Card. Bellarmino, tum aliorum.

III. Confirmatur doctrina nostra auctoritate Patrum, quorum verba copiosè adducit Jacobus Keller in Papatu Catholicu à fol. 342. sufficiat nobis D. August. qui lib. contra Epist. Fundamenti cap. 4. enarrando sua moriva, quibus in Ecclesia detineatur, ita scribit: *ut omittam sapientiam, quam in Ecclesia Catholica esse non creditis, multa sunt alia,*

alia, que in ejus gremio iustissimè me detineant; tenet consensum populum atque gentium: tenet auctoritas miraculis inchoata, spe nutrita, charitate aucta vetustate firmata: tenet ab ipsa sede Petri Apostoli, cui pascendas oves suas post Resurrectionem suam Dominus commendavit, usque ad presentem Episcopatum successio. Ubi S. Pater clare aferit perpetuitatem Romanæ Ecclesiæ tam quoad successionem Episcoporum in sede Petri, & regime Ecclesiastico, quam quoad doctrinam Apostolicam, & constantem in ea confessionem populorum ac gentium. Nititur autem hæc Perpetuitas promissione Christi Matth. 17. v. 18. quod nimis adversus Ecclesiam illam, quæ supra Petrum est aedificata, portæ Inferi non sint prævalitæ. Unde pulcherrimè Athanasius in Oratione, quod unus sit Christus, sic scribit: Tu es Petrus, inquit Christus, & super hanc Petram adificabo Ecclesiam meam, & porta inferi non prævalebunt adversus eam; fidelis sermo & non vacillans promisso, Ecclesia invicta res est. Etiam si Infernus ipse commoveatur, & si qui in inferno sunt, mundi principes & tenebrarum tumultum faciant. Et quia Ecclesia Romana in diuturna admodum est possessione Apostolica doctrinæ & successionis, per mille scilicet sexcentos & amplius annos in ista durans, idcirco nec tenetur quidem ad aliam probationem, sed in sua possessionis iure perseverat, donec ejus Adversarij contrarium conspicuo aliquo arguento probent, quod in æternum non facient.

IV. Doctrina tertia. Nulla Secta haere: icorum est Apostolica, & eam, quam diximus, habet Antiquitatem. Ratio sumitur ex defectu triplicis conditionis ad hanc denominationem requisitæ. Nam i. doctrina Sectariorum non est Apostolica v. g. quod Christus secundum Humanitatem sit ubique: quod homo sola fide justificetur: quod Sacrificium Missa sit abominatio & idolatria: quod Sancti non sint invocandi, nec illorum Imagines honorandæ: quod non detur Purgatorium: quod Romanus Pontifex sit Antichristus &c. Sed tam hi quam omnes alij fidei Articuli, in quibus haeretici ab Ecclesia Romana discedunt, directe Apostolorum doctrinæ adversantur, ut constat ex illorum epistolis, & suis locis demonstratur.

V. 2. Nulla illorum Secta continuò duravit à tempore Apostolorum usque ad presentes tempus. Cum enim Lutherus primum circa Annum Christi 1517. fidem innovaverit, ac in Religionis doctrina toti Ecclesia tunc existenti se se opposuerit, ut apud omnes manifestum habetur, sequitur planè ante Lutherum neminem fuisse, cum quo Lutherus in fidei doctrina conspiraret. Eadem est ratio aliorum Novatorum. Unde eum saepe sæpius à Catholicis postulatum fuisse, ut intra proximos mille annos aliquam Ecclesiam sive cœtum, vel unicūm hominem nominarent, qui in fidei doctrina omnibusque & singulis articulis idem sensisset, quod ipsius Sectariorum hodie sentiunt, id præstare haec tenus nunquam potuerunt, imo nec præstare serio tentaverunt. Videri potest egregium Opus posthumum P. Laurentij Forer, cuius Titulus: Wunder über Wunder / hoc est: Mirum super Mirum. Ovum ante Gallinam: Filius ante Patrem: Lutheranismus ante Lutherum. Et DD. à Walenburch Tom. 2. Tract. 3. cuius titulus: Ubi Ecclesia Christi fuerit ante Lutherum à fol. 83. Nobis sufficiat ipsum Adversariorum Confessio. Lutherus in Præfatione

suorum operum hæc expressa verba habet: Solus primo eram, & certè ad tantas res tractandas ineptissimus & indoctissimus; casu enim non voluntate nec studio in has turbas incidi, Deum ipsum teſtor. Casu ait: id est, inconsideratè, quia enim obtinere non potuit, ut prædicando promulgaret indulgentias, vituperare hasce cepit, & cum aures vituperijs pronas adverteret, plus aufus tandem omnia evertit. Melanchthon in præfat. i. Tom. Lutheri ait: Post densas admodum tenebras Evangelij lucem Ecclesia ministeria Lutheri redditam esse, & Deo gratias agendas, quod hanc Evangelij lucem rursum patefecit. Calvinus in responsione ad Sandoleum: Palam est, inquit, conspicuumque eruditis simul ac indoctis, prostratum fusile Christi Regnum, cum erectus esset Pontificis Romani Principatus, sublatâ fidei justificantis cognitione, & Christi gloria extincta est, & abolita Religio, & Ecclesia destruta, & spes salutis penitus evera. Et Lib. 3. cap. II. §. 15. scribit: At ne Augustini quidem sententia recipienda est, qui gratiam ad justificationem referit, quia ad vitæ novitatem generamus. Quis ex his nisi prorsus cæcus non clare perspicit, per quam Novatorum concessionem, Sectas illorum Lutheranam & Calvinianam non à tempore Apostolorum, sed post mille quingentos annos primum à Luthero & Calvinio originatas esse.

V. 3. Nullam habent successionem Præfulum continuâ serie fidelem populum ritu Ecclesiastico gubernantium; cui enim Præsidii successit Lutherus aut Calvinus? Indubitatim igitur esse debet, apud Lutheranos & Calvinistas nullam esse Apostolicam Successionem, & consequenter nullam Antiquitatem Ecclesiarum, sed novas esse, sumpto initio à Luthero & Calvinio, qui cum non fuerint consecrati Episcopi, nullam potestatem habuerunt ordinandi, & de Christianitate disponendi. Unde Nos Romano Catholico cum Tertulliano de præscriptionibus cap. 32. dicere Lutheranis & Calvinistis jure meritissimo possumus: Edant origines suarum Ecclesiarum, evoluant ordinem suorum Episcoporum ita per successiones ab initio recurrentem, ut primus ille Episcopus aliquem ex Apostolis aut viris Apostolicis (qui tamen cum Apostolis perseveraverit) haberetur Autorem & Antecessorem, sicut Romana Ecclesia Clementem à Petro ordinatum refert. Hæc, inquam, ut nos Catholicæ dicere possumus: ita Novatores ad eadem mutescunt.

PARS POSTERIOR.

ERRORES HAERETI CORUM.

VII. Error primus est Lutherorum apud Gerhard. Lib. 2. P. 1. à fol. 873. Antiquitatem ac Successionem non esse genuinam & infallibilem Ecclesiæ verae Notam. Probant. Tum quia Ecclesia Cainina habuit sine dubio antiquitatem & successionem per 1600. & plures annos, qua tamen idcirco melior non fuit. Tum quia Pontifices Hierosolymitani ostendere potuerunt continuam omnibus retro annis successionem usque ad Aäronem summum à Deo creatum Pontificem, qui tamen inde non fuerunt probati in Religione. Tum quia Antiquitas & continua Successio appetet etiam in Imperatoribus Romanis, in Imperatoribus Constantinopolitanis ab

ultimo Constantino Palæologo usque ad Constantium Magnum; imò in Imperatoribus Turcicis usque ad Othomanum, qui tamen omnes non fuerunt boni Christiani.

VIII. Errorem hunc satis in priori parte rejecimus. Universim loquendo. Quicunque generis sui antiquam Nobilitatem demonstrare cupit, is genealogiam stirpis suæ exit, & per Avorum, Abavorum, Tritavorum, ac Majorum aliorum lineam nunquam interruptam Ascendentium suam originem evolut, quoque ad ejusdem stipitem perveniat. Quod testimonium ad rem demonstrandam tam est certum, ut hoc probationis genere nullum inter homines sinceri aut verius aestimari soleat. Cum ergo Christus Ecclesiam suam ab Apostolis cuperit, & nominatum super Petrum ejusque in sede Successores eam adificaverit, promittens eidem suam omnibus diebus præsentia Matth. 28. v. 20. Spiritu veritatis Ioh. 16. v. 18. invictas vires contra inferni portas Matth. 16. v. 18. &c. Si Ecclesia quæcumq; glorietur, se esse hanc nobilissimam Christi Ecclesiam, incumbit ipsi ex coram hominum sensu, liquidò demonstrare, penes se esse doctrinam Apostolicam, continuationem ejusdem à tempore Apostolorum, gubernationem atq; in sede Petri non interruptam successionem per modernum & alias atq; alias omnes summos Pontifices usque ad ipsum primum in terris Christi Vicarium D. Petrum Apostolorum Principem. Atqui hoc nulla alia Secta demonstrare potest, sed sola id valet Romana Catholica Ecclesia. Ergo sola ista est vera Christi Ecclesia. Unde S. Epiphanius relatâ successione Romanorum Episcoporum sic concludit: *Nemini sane mirum videatur, cur singula tanta cum diligentia percurrerim; per hac enim perpetuo certa accurataq; veritas ostenditur.* Atq; hac demonstratio, quam re ipsâ præstat Ecclesia Catholica, non est ex sola Antiquitate, aut nuda Successione in Cathedra Petri, sed ex ea, quam diximus, speciali Christi promissione, vi cuius Ecclesia illa in errorem induci, hæresi inquinari, atque ita à portis Inferni superari non potuit. Ex quibus jam appetat vana & futile Adversariorum fundamenta.

IX. Responderetur ad 1. Cainianæ Ecclesiæ Antiquitas, & Turcica successio non est contra nos; quia non quamlibet successionem & antiquitatem intelligimus, sed quam Christus affirmavit, & Patres nobis commendarunt.

X. Ad 2. Judaica etiam Ecclesia frustra adducitur, si nuda continuatio intendatur, quantumvis illa vera perseverarit Ecclesia usque ad mortem Christi, & Iudei ac Pontifices fidem ac pontificatum suum rectè probârint ex continua successione ab Abraham & Aarone summo Pontifice à Deo ordinato; unde etiam sui templi Religionem contra Samaritanos coram Rege defenderunt, & conservarunt, ut scribit Joseph Lib. 12. Antiq. cap. 6. Imò Christus ipse testimonium illis dedit Matt. 23. v. 2. *Super Cathedram Moysis &c.* quod autem aliqui privati Judæi doctrinam Moysis non observârint, hoc Judæice successioni & fidei antiqui Testamenti nihil demit ac præjudicat.

XI. Ad 3. Romanorum quoq; Imperatorum antiquitas & successio alia longè fuit, quám Ecclesia nostræ Romana, quæ sub illis sepe crudelissimis & potentissimis hostibus mirabiliter fuit conservata, ut videre est apud Baronii, Bzovium Franc, à Corialano &c. Cum interea ipsum Im-

perium frequenter se mutaverit, & à Romanis ad Græcos, ab istis ad Francos, & demum ad Germanos devenierit. Pari ratione nullum est Regnum, quod tam diu perfisterit cum populo suo, quām Ecclesia & Papa cum suis Fidelibus ac Catholicis. Non fecit taliter omni Nationi Psal. 147. v. 8.

XII. Secundus Error est Lutheranorum, & Calvinistarum apud Amesij Tom. 2. fol. 63. Ecclesiam nostram Romanam non esse Apostolicam. Probant. Tum quia in multis Apostolicæ doctrinæ adversatur, v.g. in Transubstantiatione, Misericordia Cœna Domini, Purgatorio, Invocatione Sanctorum &c. Tum quia non semper in eadem doctrina perficit, sed novas identidem Articulos addidit per Concilia vel Pontifices definitos, & alia multa nova invexit, de quibus Veteres nihil sciebant. Tum quia successio Pontificum est valde incerta; imò primum Petri successorum nesciunt Papistæ, an scilicet iste Linus, an Clemens fuerit: subinde etiam sedes vacavit, aut plures extiterunt Papæ, ut nesciretur, quis illorum esset legitimus. Tum quia ex S. Scriptura constat, successionem in Ecclesia fuisse per apostoliam & regnum Antichristi interruptam.

XIII. Errorem hunc priori parte doctrinæ tertia satis rejecimus. Et quia hæretici Ecclesiam suam hæc coronâ nobilitatis Apostolicæ, hoc est, verae Antiquitatis ac legitimæ continuatæque successionis in sede Petri destitutam vident, eandem Romanæ etiam Ecclesiæ fraudulenter detrahere nituntur, sed frustra; Etenim tam fixe à Christi promissione & Patrum assertione fuit ei imposita, ut potius isti perituri, quām præstantissimum hoc decus à Capite Ecclesiæ nostræ sublati sunt. Dominus dissipat Confilia gentium: reprobat autem cogitationes populorum, & reprobat Confilia Principum. Confilium autem Domini in eternam manet Psal. 32. v. 10. Quidni etiam infringat conatus hæretorum? Argumenta horum nihil convincunt.

XIV. Respondetur ad 1. gravissimam esse calumniam Amesij, Gerhardi, Molinæ, Musæi & aliorum Novatorum, quod doctrina modernæ Ecclesia Romanae adveretur doctrinæ ab Apostolis traditæ. Ostendant hæretici, Ecclesiam nostram vel in unico punto Fidei ab Apostolico vestigio recedere; quæ enim afferunt de Transubstantiatione, Missæ Sacrificio, Invocatione Sanctorum & triginta alijs punctis, quæ apud DD. à Wallenburch Tom. 1. de Unit. Eccles. Lib. 5. c. 12. à Crocio Calvinista adducuntur, suis omnia locis aperte demonstrantur concordare cum doctrina Apostolorum & Antiquorum Patrum, ut contra hæc nihil Adversarij nisi cavillari possint. Nōrunt etiam Protestantes Theologi, Orientalem Ecclesiam cum Romana in prædictis fidei Articulis convenire; cum enim ipsi ad Constantinopolitanum Patriarcham scriberent, & cum eo tanquam supremo Ecclesiæ Græce Capite unionem facere vellent, ob contraria sua dogmata & errores, turpissimam repulsam tulerunt, ut videre est in ne sponsorijs Litteris ipsius Patriarchæ, quas præter alios refert Timotheus Laubenberger in Tract. cui Titul. Quare non vis fieri Catholicus?

XV. Ad 2. Concedimus, successu temporis aliquo modo nova quædam dogmata ab Ecclesia definita esse, sed prioribus non contraria. Dixi aliquo modo nova. Nam in Ecclesia est potestas definiendi aliqua, quorum explicita revelatio non habetur in Scriptura v.g. hunc vel illum esse Sanctum,

etum, inter Beatos in Cœlo: vel si sunt explicitè revelata, verbis tamen obscuris & æquivocis, quorum interpretatio pertinet ad Ecclesiam, quæ potest definire, quis sit legitimus sensus illorum v.g. quod per hæc verba (*accipit spiritum Sanctum &c.* Joan. 20. v. 23.) fuerit instituta potesta absolvendi Sacramentaliter: vel deniq; quia talis revelatio non est nobis sufficienter applicata, eò quod consistat in verbo non scripto, sed tradito, ut quod parvuli sint Baptizandi; hæc, inquam, & similia recens definita prioribus fidei Articulis non sunt contraria, cum ex horum declaratione illa eruantur.

XVI. Ad 3. Si certum sit, Clementem D. Petrum in Cathedra successisse, parùm referre, an aliis potest Petrum præaverit vel non, nec idcirco de successione Romanorum Pontificum dubitandum esse. Atqui ex antiquissimorum Patrum testimonijs certum est, Clementem D. Petro successisse. Quid clarius verbis istis D. Hieronymi in cap. 5. Ista: *de quo & Clemens vir Apostolicus, qui post Petrum Romanam rexit Ecclesiam.* Solum in hoc non convenit inter Auctores, quod aliqui putent, Linum & Clætum fuisse Vicarios tam Petri, quam Clementis, qui sèpè Rômâ abfuerunt: alij vero sentiant, illos Linum scil. & Clætum post Petrum fuisse ordinarios Episcopos Romæ, & quidem ante Clementem, eò quod Clemens, cui S. Petrus ante Martyrium Sedem suam commiserat, ex humilitate tanti officij indignum se ratus noluerit illo fungi, dum Linus & Cletus, qui jam ante, vivente adhuc Petro, Ecclesiam tanquam Vicarij administrabant, superstites erant. Hæc autem lis de circumstantia successionis nihil substantiæ reidemit tam in Clemente, quam alijs summis Pontificibus, nisi etiam Adversarij Nativitatem Christi in dubium trahere aut negare velint; quia non scitur certò, quo anno Augusti Rom. Imperatoris illa contigerit. Si aliquando Sedes D. Petri vacavit, non fuit diuturna vacatio, sed unus vel alterius anni; exigua autem mora respectu tot Sæculorum non tollit moralem continuatorem; quis enim non dicit, continuò per diem pluisse, etiam si paululum cessaverit per unum aut alterum quadrantem, vel etiam horam? Pluralitas Pontificum simul regnare volentium etiam non interruptit continuationem successionis in Sede D. Petri, quia vel statim fuit agnitus, quis eorum fuerit legitimè electus, & cæteri tanquam Schismati ci daminati, vel si dignosci non posset, omnibus depositis novus quidam fuit electus, ut interposita incertitudo exigui temporis fuerit instar vacationis.

XVII. Ad 4. Apertum esse Heilbrunneri & aliorum Prædicantium mendacium. Nam si tota Scriptura à capite usque ad calcem perlegatur, nusquam in ea assertum invenitur, totam Christi Ecclesiam, seu omnes simul Ecclesias Doctores aliquo tempore circa fidem errare, aut ullis circa fidem erroribus infici posse. Sed hoc solum in diversis locis S. Scripturæ invenitur, tum falsos Prophetas & Doctores exorituros, qui seducant multos, quod etiamnum hodie in Calvinio & Lutherio, alijsq; eorum affectis videamus, tum sub tempus Antichristi (cujus prodrimos Sectarum Coriphæos agnoscimus) insignem quandam à fide apostasiam eventuram esse, non tamen omniū etiam Electorum, ut constat ex ipsis Christi verbis Matth. 24. v. 24.

XVIII. Dicant etiam Sectarij, quo tempore, quo modo, quo indubitate testimonio Apostata rit Ecclesia Romana? An non omni tempore Romani Pontifices Conciliâ Oecumenica approbabunt? Hæreticos damnarunt? in reliquos Episcopos jurisdictionem monstrarunt? Non fuit unquam hæresis aut Novitas tam levis, quam non statim Doctores & Patres oppugnarunt, Concilia condemnarunt, historici annotarunt. Quomodo ergo fieri potuit, ut Romana Ecclesia Apostata ret, & nemo hujus Apostasie Auctorem, tempus, modum nominare posset? Unde spissum etiam mendacium est eorundem Prædicantium, quod Historia Ecclesiastica restet, successionem puræ ac veræ Ecclesiæ in omnibus præcipuis locis, ubi Evangelium fuit prædicatum, interruptam fuisse. Quis enim est ille Historicus hoc scribens? quod illius nomen? Ubi est illa Historia? Nec ullus unquam Auctor hoc scripsit: Nec vos legistis: Sed purum & inane vestrum est figmentum &c. Videatur Jacobus Keller, loc. cit. fol. 374.

XIX. Error Tertijs est eorundem hæreticorum, Ecclesiam Lutheranam & Calvinisticam recte dici Apostolicam. Probant. Tum quia doctrinam Christi & Apostolorum habent, eidemq; firmiter adhærent. Tum quia Fides illorum continua in mundo viguit etiam in medio Papistarum. 1. In infantibus, quibus Fides vera & nullis adhuc Papisticis erroribus inquinata infunditur. 2. In adultis rudiöribus, qui Articulum de SS. Trinitate, Orationem Dominicam & Symbolum Apostolicum tenebant; contra quæ secundum Litteram Papistæ nihil moverunt. 3. In quibusdam occultis, qui eti non vocarentur Lutherani, aut Calviniani, tamen in fundamento ac capitibus Articulis Evangelicæ doctrinæ adhæserunt. 4. In moribundis, quibus etiam Catholicoli Sacerdotes inculcare solent, ut non in suis operibus, sed in Christi meritis confidant; unde ajunt, D. Bernardum & Carolum V. Imperatorem in gravibus & ultimis suis morib; Articulum de gratuita justificatione per fidem fuisse amplexos. Videri de hoc potest Joān. Gerhard. Lib. 2. p. 3. Art. 23. cap. 3. ubi Novatori iste plura similia corradit. Tum quia successio legitima in Apostolico prædicandi munere Luther & Calvinio non defuit, qui tum à Deo extraordinariè, tuim ab homine ad id constituti fuerunt.

XX. Errorem hunc rejecit defensus tum Successionis, tum Vocacionis, tum Doctrinæ Apostolicæ. Nam quis successor Apostolorum Lutherum aut Calvinum in Episcopum ordinavit? Quis etiam Patrum per mille quingentos & plures annos doctrinam Lutheri aut Calvini tenuit? An non Reformatores illi fatentur, se discessisse ab Ecclesia Romano-Catholica, ut vidimus §. 5. In parte autem divisa nequit esse perpetua successio; cum enim constet de initio divisionis, constat quoque de initio successionis, non à Christo institutæ, sed ab homine inchoatæ, adeoque nec perpetuæ. Lubet igitur ex vobis Prædicantibus quærere. Si hodie thrafo aliquis surgeret, diceretque, omnes Christianos Doctores errare in mysterio SS. Trinitatis, nescireq; Scripturam Sacram; istam alio longe & hucusque abscondito modo intelligendam esse; an non dicceretis huic, ut illud probaret; & affectenti, Apostolos eodem prorsus modo, ac ipsum, intellexisse, semperque fuisse occultos quosdam Christianos, non autem se se prodidisse; an non subito

CONTROUERSIA XIX.

subito exploderetis eundem, aut etiam baculo abigeretis? Ita statim ab initio cum Luthero & Calvinio agi debuisset pro merito doctrinæ ipsorum novæ, qualm post tot sæcula attulerunt, ut ex refutatione hujus erroris patebit.

XXI. Respondetur ad 1. Hunc esse thrasonismum omnibus hereticis consuetum; omnes quippe jactant, suam doctrinam esse ipsissimam doctrinam Christi; & Apostolorum; qui tamen ex eo aperte mendacij convincuntur, quod post Apostolorum tempora nec unicum ostendere possint Christianum Doctorem, qui cum ipsis idem quoad omnia in fide senserit, nec monstrare ullam Ecclesiam, in qua talis doctrina continuo duraverit, imò nec ullum fidelem hominem, qui illam doctrinam disertè fuerit professus.

XXII. Ad 2. Quomodo Fides Sectiorum semper in orbe inter ipsos etiam Catholicos viginit, cum disertis verbis Lutherus illam à se recente mundo fuisse illatam affirmet? Sic scribit in Epist. ad Ministros verbi Dei apud Argentinam: *Christum à nobis primò vulgatum, audemus glorari;* sed nec appetit, in quibus vigerit continua Lutheranorum & Calvinistarum fides.

XXIII. Non 1. In infantibus, est plene ridiculum in re tanti momenti pro testibus adducere infantes, qui nesciunt, quid credant, utpote rationis nondum compotes. Egregie hoc argumentum contra Petrum Haberkorns, Andream Kesler, Melchiorem Nicolay reicit P. Laurentius Forer in citato opere suo posthumo, quod Lutheranismus fuerit ante Lutherum &c.

XXIV. Non 2. In Adultis rudioribus. Iffs enim hoc ipso, quod rudes sint, non plus credatur, quam doctis & ipsorum præpositis. Papistæ nihil quidem contra mysterium SS. Trinitatis, Orationem Dominicam, & Symbolum Apostolicum moverunt, aliter tamen semper intellexerunt, ac explicarunt, quam modò faciunt Sectæ istæ.

XXV. Non 3. In occultis quibusdam Evangelicis. Nam si isti nulli fuerunt cogniti, & ita timidi, ut veritatem palam dicere non auderent, unde aliquid de ipsis nōrunt Prædicantes? Nemo ante Lutheri tempora fuit, qui non adoraret consecratam Hostiam, honoraret B. Virginem, & hanc aliquoque Sanctos invocaret; haec autem est Idolatria apud Sectarios, quomodo ergo in fundamento & capitalibus Articulis Lutheranis & Calvinisticis confenserunt? Nemo quoque ante Lutheri & Calvinii tempora fuit, qui non operibus bonis & in gratia Dei facitis meritum adscriberet, atque inde præmium à Deo speraret: Item qui non crederet, opera pénitentiae itidem in gratia Dei exercita placere Deum, & pro temporali pœna satisfacere; hisce autem ajunt Novatores, Christum omnino repellit, deferi, negati; quomodo ergo in fundamento & capitalibus articulis Lutheranis & Calvinianis confenserunt? &c. At Spiritus Sanctus forsan illos suā inspiratione Evangelicam solum doctrinam docuit? Cur non etiam fecit, ut Apostoli & Evangelistæ cognitam hanc veritatem alijs annunciant?

XXVI. Non 4. In moribundis. Nam, dum ictis merita Christi proponuntur, non excluduntur bona opera, quasi nihil ad salutem valeant; illorum tamen non expedit fieri mentionem. Tum propter periculum vanæ gloriae. Tum pro-

pter incertitudinem, num rite facta placuerint Deo, aut per subsequens peccatum non fuerint extincta. Unde Job. cap. 9. vi. 28. ait: *verba omnia opera mea, sc̄ens quod non parceres delinqüenti.*

XXVII. Atque in hunc modum intelligendi sunt S. Bernardus, & Carolus V. Imperator, quorum uterque bonorum operum ac meritorum causā in locos sacros secesseret; ille in adolescentia: iste in vegeta adhuc aetate post Romani sceptrū Imperij & tot Regnorum coronas positas. Quod enim in ultimis & gravibus morbis Christi Passionibus ac Meritis se solarentur, minimi fecerunt illud, quasi sola fide salutem æternam obtineri posse arbitrarentur, ut stolidè sibi imaginantur Prædicantes Lutherani ac Calviniani, sed quod timebant occulta Dei & ab oculis hominum abscondita judicia: quod summā animi demissione acti operibus suis bonus dissident, non planè certi, an Divinas Majestatis oculis placent, siquidem *nōfuit homo, utrum amore an odio dignus sit Ecclesia.* 9. v. 1: quod denique probè scirent, haec ipsa opera bona non tam sua, quam Christi Iesu esse, utpote hujus maximè misericordi motu, auxilio, ac ductu facta, sine quo divino adjumento ipsi libero suo arbitrio & naturæ viribus eadem facere non potuissent. Ex hisce causis non solum D. Bernardus & Carolus V. Imperator, sed omnes nos Romano-Catholicæ veritate Ecclesiæ Filii, quantumvis pro viribus & concessis cælitus auxilijs bonis operibus studeamus, & ista ad salutem æternam necessaria esse, fide teneamus. Christe Jesu tamen pedibus humillimè advolimur: spem nostram omnem in eo ponimus: ejus SS. passionibus & meritis tum in vita tum in morte nos commendamus: ejus denique Bonitate & Misericordia nos in ultime præfertim agone consolamur. Et quid ex his ad solam, inanem, putam, putidam, ac mortuam fidem, quam salvari homines nequeunt: seduci per illam ac perdi æternum à Prædicantibus possunt.

XXVIII. Ad 3. Lutherum & Calvinum nec immediate à Deo vocatos ad reformationem Ecclesie; siquidem hanc suam vocationem, non probarunt, neque possunt miraculus probare, si cut tamē fecerunt Moyses & alij. Unde Tertullianus Lib. de Præscript. c. 30. aiens: *Probent novos se Apóstolos esse editi scilicet miraculi:* nec mediare per Civilem vel Ecclesiasticum Magistratum; quia Princeps & Magistratus civilis nihil juris habent in officia Ecclesiastica, quæ pertinent ad Régnum Christi: Episcopi verò ordinando Sacerdotes non tribuunt eis facultatem prædicandi, sed alia speziali concesione opus est. Et quando etiam sive Doctribus sive Sacerdotibus facultas prædicandi Evangelij conceditur, intelligitur ea potestas non alio modo faciendi, quam juxta interpretationem & sensum, quem de S. Scriptura tenet Sancta Mater Ecclesia. Sed de hoc plura infra.

IHS. 10. 3

XII. 3

CONTROVERIA XX.

DE VISIBILITATE ECCLÆSIE.

Visibilitas alia est sensibilis, alia intelligibilis; illam habent corpora colorata & mōbilia, quæ in oculos incurunt, ut stellæ & elementa: istam habent objecta insensibilia intellectui propria, ut veritas, honestas &c. utraq; Ecclesia est necessaria, ut ab alijs Sectis internosci, & diversa fides cognosci ab intellectu possit. Duplex autem judicium intellectus de eadem Ecclesia formari potest; unum quod diversam ab alijs habeat fidem: alterum quod habeat fidem veram. Tractat de hac Visibilitate Card. Bellarm. Lib. 3. de Ecclesia cap. II. ante Notas ejusdem Ecclesiæ, quasi per illam maximè diversitas Fidei: ex his autem veritas ejusdem innotesceret.

Status ergo questionis est. Utrum Ecclesia Christi vera aliquando & per aliquot etiam lœacula ita possit esse occulta, ut sint tantum pauci homines, qui veram fidem profiteantur: atque hi ipsi existant alijs incogniti? Negant hoc Catholicæ affirmantes, semper fuisse, esse, & fore in quatuor mundi Partibus hominum cœtus, qui Fidem veram taliter profiteantur, & Sacramentorum inter se communionem habeant, ac sub legitimo Pastore vivant, ut noti sint non solum sibi quisque privatim, vel etiam pauci inter se, sed etiam pluribus extra Ecclesiam existentibus, quantumvis publicus Verbi Dei & Sacramentorum usus non permittatur. hoc posito.

PARS PRIOR

DOCTRINÆ CATHOLICÆ CORUM.

I. **D**octrina prima. Ecclesia Christi vera est, semper fuit, & erit visibilis. Ita Catholicæ Doctores. Probatur 1. Ex Sac. Scriptura, quæ Ecclesiam veram comparat rebus illiustrissimis, & maxime conspicuis, scilicet stellis & montibus. Isajæ 2. v. 2. Erat in novissimis diebus preparatus mons Domini in vertice montium, & elevabitur super colles, & fluenter ad eam omnes Gentes, & ibunt populi multi, & dicent: venite & ascendamus ad montem Domini. Hæc eadem prope verba habentur Micheæ 4. v. 1. Concinum David Psal. 47. v. 1. & 2. **M**agnus Dominus & laudabilis nimis in Civitate Dei nostri; in Monte Sancto eius, fundatur exultatione universæ terra Mons Sion, latera Aquilonis Civitas Regis magni, per Montem autem intelligi Ecclesiam Christi visibilem ac veram, aperte constat ex ipso contextu. Psal. 88. v. 30. Comparatur Throno sempiterno, & v. 38. ipsi Soli, qui semper est visibilis, ac Luna semper plena, quo etiam juxta Patrum explicationem spectat illud Psal. 18. v. 6. in Sole posuit Tabernaculum suum, in quæ verba sic scribit Augustinus, in Concio ne 2. in Psalm. cit. in manifestatione (posuit) Ecclesiam suam non in occulto, non que lateat, non velut operata. Et paulò post: in Sole posuit Tabernaculum suum;

quid tu hereticè fugis ad tenebras. Accedit clarissimum Christi Testimonium Matth. 5. v. 14. vos estis lux mundi, non potest Civitas abscondi supra montem posita, neq; accendunt lucernam, & ponunt eam sub modio, sed supra candelabrum, ut luceat omnibus, qui in domo sunt.

II. Non obstat 1. Etiam stellas & montes, atq; ipsas civitates montanas subinde nebulis & nubibus occultari. Nam nihilominus ex se sunt visibilia, tametsi per extrinsecum obstaculum illorum visio interdum impediatur. Adversari autem volunt, Ecclesiam per se esse in visibilem, nullisq; externis indicijs manifestatam, ut audiemus; imò Ecclesiæ Visibilitas nec per externa obstacula impediri potest; quæ enim forent obstacula, nisi persecutio Gentilium & Hæreticorum, per quas tamen non solum non obscuratur Ecclesia, sed etiam magis illustratur; tunc quippe generosi Martyres & voce & sanguinis professione Fidem testantur: tunc plurimi libri contra hæreticos eduntur, publicæ Disputationes instituuntur, Concilia celebrantur &c.

III. Non obstat 2. Nonnullos ex Patribus velle, Christum Matth. 5. non totam Ecclesiam, sed solum ejus Præsules comparare civitati montanæ, non ratione Fidei, sed morum, qui omnium oculis observantur, & latere non possunt. Nam hoc ipso, quod præpositi sint conspicui, etiam subditorum grec fit conspicuus, cum sint correlativa Praelatus & Subditus, & utrum sine altero cognosci nequeat. Unde Christus non de parte solum, sed de tota Ecclesia loquitur.

IV. Probatur 2. ex Patribus, quos fusè adducunt alij. Nobis sufficienter unus & alter. Origines Homil. 30. in Matth. sic scribit: Ecclesia Domini plena est fulgore ab Oriente usq; ad Occidentem, D. Chrysostom. Hom. 4. in cap. 6. Isajæ: facilius est, inquit, solem extingui, quam Ecclesiam obscurari, D. August. Epist. 170. Ad severinum hæc habet: facile est tibi attendere & videre Civitatem super montem constitutam, de qua Dominus dicit in Evangelio, quod abscondi non potest; ipsa est enim Ecclesia Catholica, unde eæ grace appellatur, quod per totum orbem terrarum diffundatur. Cyprianus Lib. de unitate Ecclesiæ dicit: Ecclesia Domini luce persusa radios sios per orbem terrarum spargit, Cyrillus Lib. 2. in Isajam cap. 17. hæc habet: significat (Isajas cit. cap. 2. v. 2.) Ecclesiam magnam & subiectum intelligentem montem; nihil enim in ea humile: non protuta aut proiecta dogmata, sed quidvis est magnum & excelsum, vera scilicet Dei cognitione, & illustris Salvatoris nostri mysteriorum patefactio. Sion autem montem nominat sapientia numero divinitus inspirata Scriptura Ecclesiam Christi, velut à prima nomen habens, spiritualiter verior sion, id est, Excelsa & Specula. Similitia habent alij PP. Ex quibus clarissime pater, testimonia S. Scripturæ in eundem nobiscum sensum à Patribus intelligi & exprimi: nec verba illa ex Matth. 5. solum preceptum, ut scilicet fides intrepida ac publice prædicetur: sed etiam prædictionem continere; quia non dixit Christus, civitatem montanam abscondi non debere, sed nec posse; quod autem fieri non potest, nunquam futurum est; unde Chrysostomus loco cit. ait: Ecclesiam radices in Cœlo potius habere, quam in terra. Quis autem radices virentis ac conspicuae Ecclesiæ in Cœlo fixas inficiet aut evelleret? Videri possunt DD. à Walenburh Tom. 2. à fol. 72. ubi prædicta aliaq; Patrum & Scripturæ testimonia contra varias Sectariorum objectiunculas defendunt. Sed pluribus hic opus non est.

R

V. Proba-